

IGI UNITED NATIONS CONVENTION ON THE **RIGHTS** OF THE **CHILD** GAA-ININDWAA



Gakina awiya jibwaa 18 apiitiziwaad owe izhi gashki'ewiziwig. Onjida ji-ayaayan ini gashki'ewiziwinan ji-maanzhisesiwan ji-mino-giizhigiyamban. Gigii-giginitaawig ono gashki'ewiziwinan, gaan awiya gaye gidaa-odaapinamaagosii.

Gichi-aya'aag gaye ji-naagaji'aawaad oshkaadizii' aaniin ji-izhi-mino-ayaanidiban. Eni-gikendaman gigashki'ewiziwinan bakaan gaye awiyag, giga-wiji'igonan aaniin ji-izhichigeyamban gibimaadiziwining.

- 1 Gakina jibwaa 18 apiitizid gashki'ewiziwig.
- 2 Gigashki'ewiz gaawiin ji-aanawenimigoowin aweneniwiyan. Gichi-ayaag ji-miinkwaa aaniin ji-izhi-naniizaani'igoosiwan gegoon onji.
- 4 Gichi-ogimaawin ji-izhichigewaad ji-wanitoosiwan gigashki'ewiziwinan.
- 5 Enawamadwaa ji-gikino'amaagookwaa gigashki'ewiziwinan, wiji'ikwaa gaye ji-ayaayan.
- 6 Gigashki'ewiz gaawiin eta ji-bimaadiziyan, ji-mamino-ayaayan!
- 7 Gigashki'ewiz ji-wiinzowin, ji-ondakaaneziyan wendakaaneziyan.
- 8 Gigashki'ewiz ji-aawiwin - ozhibii'igaadeg aweneniwiwin.
- 9 Gigashki'ewiz ji-ganoonadwaa giniigi'igoog, giishin goda naniizaani'igoosiwan.
- 10 Giishpin bakaan akiing ayaayan apiich giniigi'igoog, onjida gidaanagishkawaag ji-waabamadwaa.
- 11 Gichi-ogimaawin gaawiin ji-bagidinaasigwaa giimooth abinoojiiyag bakaan akiing ji-izhiwinindwaa.
- 12 Gigashki'ewiz gegoo gegoon ji-ikidowan gegoo onendaman, noondawikwaa gichi-ayaag.
- 13 Gigashki'ewiz ji-andagikendaman gegoo, giishpin goda maanidoodawaasiwindwaa awiyag.
- 14 Gigashki'ewiz bigo gegoo jidebwetaman, giishin goda naniizaanaasiwad awiya.
- 15 Gigashki'ewiz ji-ikidowan enendaman, gaawiin jinishwaanaajichigesiwan miigaadaman owe.

- 16 Gigashki'ewiz ji-gikendaagosinog ayendiwan.
- 17 Gigashki'ewiz ji-ondanaman wiindamaagewin onji gaa-ondinamang gekendamang gegoon.
- 18 Oniigi'igomaa ezhi-niizhiwaad ji-ombig'iawaad abinoojiyya', gichi-ogimaawin gaye ji-wiji'awaapan owe izhichigenid.
- 19 Gigashki'ewiz ji-gagwaadagi'igoosiwan, ji-nishike-ayaasiwan, ji-maanidoodaagosiwani bigo izhi.
- 20 Giishpin bakaan dazhi-ombig'iigoowan, gigashki'ewiz ji-izhi-ombig'iigoowan aaniin ezhitwaawan.
- 21 Gigashki'ewiz gwayak ji-naagaji'igoowan ningoji gii-izhi-ombig'iigoowan.
- 22 Abinoojiiyag bakaan akiing bi-onjiwaad, gewiinawaa mii bezhigon ji-izhi-ombigiwindwaa daabishkoo omaa gaa-dazhi-nitaawigiaad.
- 23 Giishpin gegoo izhi maakiziyan, onjida ji-bimenimigoowan, ji-dagwiyan gaye gaa-izhi-daawan.
- 24 Gigashki'ewiz gimino-ayaawin jibimenjigaadeg ji-ayaayan ningoji naniizaanisinog, biinaaboo ji-minonjigewan ji-dediba'igaadeg.
- 25 Giishin ningoji ganawenimigoowan, onjida ji-waabamad awe gaa-nitaawiji'ig.
- 26 Abinoojiiyag ji-bimenimindwaaban gashki'ewiziwig ji-wiji'igoowaad gichi-ogimaawin.
- 27 Gigashki'ewiz ji-wiisiniyan, jibiizikoneyan, ji-ayaayan gaye gwayak ji-naagaji'igooyamban.
- 28 Gigashki'ewiz gegin bezhigon ji-izhigikino'maagoowan daabishkoo gakina abinoojiiyag omaa eyaawaad Canada akiing.
- 29 Ge-gikino'amaagoowan ji-wiji'igoowan ezhi-gashki'ewiziwan, aweneniwiyan, aawiwan, enweyan getendaman gaye.

- 30 Anishinaabe abinoojiiyag gashki'ewiziwig ji-anishinaabemowaad, ji-gikendamowaad gaye ezhitwaawaad.
- 31 Gigashki'ewiz ji-odaminowan, jiaateshinan ji-minwendaman gibimaadiziwin.
- 32 Gigashki'ewiz ji-naniizaani'igoosiwan endananokiiwan gemaa ji-maanisesinog gimino-ayaawin, gekino'amaagoowan gaye.
- 33 Gichi-ogimaawin ji-naagaji'ig naniizaanakin mashkikiin anoojigo gaa-izhi-aabadaain.
- 34 Gichi-ogimaawin ji-onji-naagaji'aawaad abinoojiyya' ji-nishibaapaasiwindwaa. Gegoo gego ikidoken. Wiindamaw gebizindaag gichi-ayaa ji-wiji'ig.
- 35 Gichi-ogimaawin ji-naagaji'aawaad aboonjiyya' ji-adaawaanaasiwindwaaban.
- 36 Ji-naagajiwindwaa abinoojiiyag gwayak ji-ani-izhi-ombigiwindwaa minik ji-giizhigiaad.
- 37 Abinoojiiyag onashowewining eyaawaad gwayak ji-doodawindwaa ji-waabamaawaad enawaamaawaad, ezhitwaawaad gaye.
- 38 Gaawiin ji-izhinizhawigoowan miigaading.
- 39 Gigashki'ewizi ji-wiji'igoowan giishin nishibaapini'igoowan, webinigoowan gemaa maanidoodaagoowan.
- 40 Gigashki'ewiz ji-wiji'igoowan onashowewining aaniin gaye endoodaagoowan.
- 41 Giishin ayaamagasinogin onashowewinan omaa Canada apiich wiin abinoojiwi-onashowewin imaa onji UN Right of the Child enigaadeg, Canada onashowewin ji-naagaji'igoowan.
- 42 Gichi-ogimaawin ji-gikendamoonaawaad gaa-ombig'aawasonid ogashki'ewizini.

Manitoba Advocate
STAND UP for children & youth

Advocacy anokiwin: 346 Portage Ave.
Unit 100, Winnipeg, MB, R3C 0C3
Gwayak: (204) 988-7440
Deba'igesiing: 1-800-263-7146

ManitobaAdvocate.ca

